

Edizione diplomatica

	Bernartz de uentedorn. AB ioi mou lo uers el comenz. Et ab ioi roma(n) efenis. Esol que bona fos la fis. Bons cre qu- er lo come(n)samenz. P(er) la bona comenssansa. Mi uen iois (et) alegransa. Ep(er) so dei la bona fin grazir. Quar totz bons faitz uei lauzar al fenir.
	Si ma podera iois em uenz. Merauillas son car sofris. Quar no(n) chant eno(n) esbrois. Cella don sui gais eiauzenz. Mas greu ueires fina mansa. Ses paor oses doptansa. Cades tem o(m) uasso cama faillir. P(er) queu nomaus de pre- iar enardir.
	Ben estai adomnardimenz. Entraol ien em- al uezis. Esarditz cors nola fortis. Greu pot es- ser pros ni ualenz. P(er) qui el prec naia memb- ransa. La bellen cui ai fiansa. Que nos camie p(er) paraula nis uir. Que nemics cai fatz den ue ia morir.
	Non es enois ni faillimenz. Ni uilania som- es uis. Mas dome quan si fai deuis. Dautrui a- mor ni conoissenz enuios queus ena(n)sa. Car fag enueg ni pessansa. Chascus si uol de son

	mestier formir. Mi confondes euos no(n) uei iauzir.
	Duna rem maonda mos senz. Qua(n)c nuls hom mon ioi nom enquis. Q(ue)u uolentiers no len me(n)tis. Quar no(m) par bos enseingname(n)z. Anz es folli et enfansa. Qui damor abenanansa. Q(ue)u uol son cor adautre descobrir. Si no len pot oualer oseruir.
	Ia sa bella boca rizenz. No(n) cugei baisan mi trais. Quar ab un douz baissar maucis. Si ab autre nomes guirenz Catretals mes p(er) semblansa. Com de pelaus sa lansa. Que de son colp no(n) podi hom guerrir. Si outra uetz no(n) sen fezes ferir.
	Bella domna uostre cors genz. Euostre bel oill man conquis. El douz esgarz el clar uis. El uostre bos enseingnam(en)z. Que quan ben men pren ismansa. De beutat nos trob egansa. Laienser es del mon al mieu arbit. Oeu no(n) uei dels oillz ab queus remir.
	Bels uezers senes doptansa. Sai que uostres pretz auansa. Que tant sabez de plazer far edir. De uos amar nos pot nuillz hom soffrir.

- letto 412 volte

Credits | Contatti | © Sapienza Università di Roma - Piazzale Aldo Moro 5, 00185 Roma T (+39) 06 49911 CF 80209930587 PI 02133771002

Source URL: <https://letteraturaeuropea.let.uniroma1.it/?q=laboratorio/edizione-diplomatica-2011>